

Kollenutio, & *Cincella* Ferrario. Ex ejus Episcopis plures Conciliis subscripserunt: *Epictetus* primo Arelatenſi, *Paschasius* Romano sub Felice, & *Molensius* Romano primo sub Symmacho.

† GRAVISCA Antonino in Itinerario, vulgò *Mont' alto*. *Adonius* hujus Episcopus subscripsit Concilio Romano sexto sub Symmacho.

VOLSCÆ, five Vulci Ptolomæo aliisque, Tusciæ civitas, unde Bulcentina Ecclesia S. Gregorio M. lib. 3. Dialog. c. 17. in partibus Aureliæ: ubi malè editi Codices, Buxentinæ legunt, fuit ad dextrum latus Floræ amnis, ubi nunc *Il piano de Volci*. aquæ ductus ejus pars vulgò, *Il ponte della Badia*. S. Gregorius dicto loco Quadragesimum Bulcentinæ Ecclesiæ Subdiaconum commemorat; unde Episcopalem fuisse colligo. Buxentina autem Ecclesia infra in Lucaniæ provincia recensetur. LUCAS HOLSTENIUS.

SUANA Ptol. l. 3. c. 1. hodie *Soana*, Urbs Episcopalis, sed an sex primis sæculis, dubium est. *Mauritius* hujus Episcopus subscripsit Epistolæ Concilii Romani sub Agathone.

MANTURANUM, aliis Manturianum, locus Thusciæ, cujus mentio est in literis Ludovici primi Imperatoris: ut testatur Antoninus Massa lib. de Faliscis. *Reparatus* hujus Episcopus subscripsit Concilio Lateranensi sub Martino.

RUSELLA Ptol. lib. 3. cap. 1. vulgò *Rossella*. *Vitalianus* hujus Episcopus subscripsit Concilio Romano primo sub Symmacho: & *Balbini* Episcopi Rusellani mentio est apud D. Gregorium lib. 1. Epist. 15. Indict. 9.

POPULONIA Melæ lib. 2. c. 4. vulgò *Porto Baratto*. *Asellus* hujus Episcopus subscripsit Synodo tertiæ Romanæ sub Symmacho.

VOLATERRÆ Ptol. lib. 3. cap. 1. hodie *Volaterra*. *Elpidius* hujus Episcopus subscripsit Concilio Romano tertio sub Symmacho.

PISÆ Straboni lib. 5. vulgò *Pisa*. *Gaudentius* hujus Episcopus legitur apud Optatum lib. 1.

†† LUCA Ptol. lib. 3. c. 1. hodie nomen retinet. *Felix* hujus Episcopus subscripsit Concilio Romano sub Hilario & ante eum, *Maximus* Sardicensi.

* FORUM-CLAUDII Ptolem. ibid. vulgò *Tofa nova*. Inter ejus Episcopos *Gaudentius* subscripsit Concilio Romano sub Felice, *Colonus*, aliis §§ *Colonius* Romanis primo & secundo sub Symmacho, & *Donatiani* mentio fit apud Optatum lib. 1.

** LUNA Ptol. ibid. vulgò *Luni*, Ferrario. *Victor* Episcopus Lunæ adfuit Concilio Romano tertio sub Symmacho.

† FÆSULÆ Ptolem. ibid. hodie *Fiezoli*, cujus primus Episcopus *Romulus* Discipulus sancti Petri dicitur in monumentis Ecclesiæ Fæsulanae.

FLORENTIA Ptol. ibid. hodie *Fiorenza*. Hujus Episcopi *Felicis* mentio fit apud Optatum lib. 1.

SENA Ptol. ibid. hodie *Siena*. *Eusebius* hujus Episcopus subscripsit Concilio Romano sub Hilario.

§ CORNETUM, aliis Cornuetum, Urbs Episcopalis in Notitiis Ecclesiasticis Italiæ & Provinciali Romano, vulgò *Corneto*. Quibusdam Castrum Novum, de quo Ptolem. lib. 3. c. 1. *Neoptolemus* Cornensis Episcopus subscripsit Concilio Romano quinto sub Symmacho, & *Boëthius* Lateranensi sub Martino. † Hanc sedem Ferrarius ait unitam fuisse Gravisca.

G

U M-

N O T Æ.

† *Gravisca &c.* Gravisca vestigia paulò infra Cornetum ad mare apparent. *Mont' alto* autem Forum Aurelii fuisse certissimum est. LUCAS HOLSTENIUS.

†† *Luca Ptol. lib. 3. c. 1. hodie nomen retinet.* Maximus à Tuscia de Luca subscripsit Synodo Sardicensi. LUCAS HOLSTENIUS.

* *Forum Claudii &c. vulgò Tofa, Tofa* Falsum. Oriolo nunc in ejus vestigiis conspicitur. LUCAS HOLSTENIUS.

§§. *Colonius* Colonicus in MS. optimo. LUCAS HOLSTENIUS.

** *Luna &c.* Verecundus adfuit Constantinopoli Vigilio Papæ, ut apparet in sententia ejus contra Theodorum Cæsariensem. LUCAS HOLSTENIUS.

† *Fæsula hodie Fiezoli* Fiezoli. LUCAS HOLSTENIUS.

§ *Cornetum &c.* Hæc civitas conflata est ex Tarquinii & Gravisca. LUCAS HOLSTENIUS.

† *Hanc sedem &c. Gravisca* e contra. LUCAS HOLSTENIUS.